

СЕЛЬСКО-ХОЗЯЙСТВЕННАЯ ПРОДУКЦИЯ ЗАГОТОВКА И РАМАНА ПОЛИТИКА ЭСА ИЗМЕНЕНИЯТНЕ ВКП(б)-нь Центральной Комитетъ и ССР-нь Союзонь Народной Комиссаронь Советъ ПОСТАНОВЛЕНИЯСНА

ВКП(б)-нь ЦК-сь и ССР-нь Союзонь СНК-сь лувондсаъ, што сельскохозяйственной продукци заготовкани раманъ уликс порядкась сиредсь ни, шорай колхознень общественной хозяйстваснон сяда тов касоманцы и кемокстаманцы.

„Колхознень эса общественной животноводствать развитианц инкса мероприятиятнень колга“ 1939 кизонь июль 8-це шистонза и „Государствати понань обязательной поставкати колга“ 1940 кизонь январь 31-це шистонза СССР-нь СНК-ть и ВКП(б)-нь ЦК-ть постановлениясон коряс колхознень ширде государствати сиволень и понань обязательной поставкатнень системаста машффт пняк оцю аф сатыкст, конат ащестъ сянь эса, што передовой колхозне путнекшневсть аф выгоднай положениас, машфневсь синь заинтересованностьсна общественной животноводствать касоманц эса и мекланкт, арсестъ льготнай положениас фталу ляды колхозне, конатнень аш животноводческий фермасна или аф касфнесазь ферматнень эса жуватань поголовья. Азф аф сатыксне стаки лядондыхть колхознень ширде государствати лофцонь обязательной поставкатнень эса.

Заготовкани тя системати аф сатыксоц ащи сянь эса, што колхознень ширде сиволень, понань и лофцонь обязательной поставкатне латцевихть колхознень эса общественной жуватань поголовьянц лангс ванозь. Тя вяти сянди, што колхозне, конатнень ули развитай общественной стадасна и касфнесазь сонъ кизода-кизос, должетт максемс сембе сяда и сяда лама сиволь, лофца и понаа государствати обязательной поставкати коряс ся пингть, кода колхозне, конатнень лафча животноводческий фермасна, максыхть кржа продукта государствати обязательной поставкатнень коряс, а колхозне, конатнень йофси аш животноводческий фермасна и аш мяльсноток фермань организовандамс, ащихть льготнай положениас, сяс мес государствати обязательной поставкатнень коряс животноводствань продуктат аф максихть.

Колхознень ширде сиволень, понань и лофцонь поставкатнень погектарнай лувомаснонды йотамась обеспечендакшнесыне заготовкани системати эса аф анычек азф аф сатыкснень машфтомаснон, но и ащи вии рычагокс, конац мольфтысь инголи общественной животноводствать развитиас тевть.

Азф аф сатыксне няендевихть тяфта жа и животноводческий стама продуктань заготовкани тевса, кода кедсь и аись.

Кожевенная сырьань сембе выхотъ государствати обязательной максомас, подрывает колхознень интереснон животноводствать касфтомаса и аф максии возможность передовой колхознень, конат максесазь государствати сембода лама кожевенной сырьати,

кирдемс эсь кядьсост эрявикс лувксса кедь эсь нуждаснонды, путнемок синь фкя лаца положениас ся колхознень мархта, конат аф касфнесазь общественной стада и аф максихть кожевенной сырьати государствати.

Алонь заготовкани аф правильной системасы ащи фкя инь главной причинак сянди, што колхознень сембода ламаснон эса аш общественной птицеводства, аф ваномок сянь лангс, што улихть пняк оцю возможность колхознень птицеводческий фермаснон касфтомаснонды и аф ваномок сянь лангс, што улихть пняк лама инкубаторнай птицеводческий станциат.

Порядкась, конань коряс колхозне, конатнень ули качествань коряс сембода цебарь алашань поголовьясна, максесазь государствати оборонань нужданди сембе инь цебарь алашаснон, а колхозне, конатнень аш цебарь качества алашань поголовьясна, йофси аф максихть алашат, аф максии колхознень стимул алашань поголовьять цебарьгофтоманцы и путнесыне аф выгоднай положениас колхознень, конатнень улихть сатфкссна алашань поголовьять цебарьгофтомаса, поощрядакшнемок сяка йоткть ся колхознень, конат калдывста шарфнихть мяль коневождствать развитианцы.

Государствати колхознень ширде зернань, рисонь, шинжармань и модамарень обязательной поставкати лувомаса уликс системати ули стама коренной аф сатыксоц, што поставкатнень размерсна лувондовихть ня культуратнень видемаснон колга платтнень лангс ванозь, мезсь аф максии устойчивай база обязательной поставкатнень лувомс, конатнень ули валогонь вийсна, тиенди колхознень эса стремления кирьфтамс зернань, шинжармань и модамарень видема платтнень, поощряет ня культуратнень коряс видемань площадтнень кирьфтамаснон, аф стимулирует целинать сокаманди, болотатнень косьфтамаснон и кустарникнень тарксемаснон вельде од модатнень освоениясон.

Гарнцевай сборсь, кона инголи зансесь оцю васта государствать сьоронь ресурсонзон эса, тини юмафтозе ни эсь ингольденъ значениянц, эрязе эсь пингонц и ащи тормазкс колхознай мельницатнень развитиаснонды, аф максемок колхознень заинтересованность уликс мельницатнень кирдемаснон инкса, одонь строямать инкса и тиенди лишней затрудненият колхозникнень.

Контракциясь, кода средства государственной заготовки тяфтама продуктань, кода овощне, вай видьмотне, тише видьмотне, а стане жа тишесь, юмафтозе эсь значениянц, кода заготовкани особай метод, аф обеспечендакшн касома колхознень эса азф сельскохозяйственной продуктань производстваснонды.

Оцю аф сатыкст улихть заготовительнай оргаттнень организационнай структурасост, конат

йотанхть государственной закупат и децзаготовкат тяфтама продуктань, кода сивольти, овощненьди и лиятненьди. Ня аф сатыксне ащихть васендакиге сянь эса, што пняк лама заготовганда, конат пнякотькшнесазь товарнай производствань райоттнень, шорсихть государственной поставкани и закупкани тевти, аф корхтамок ни сянь колга, што тя тиенди лишней государственной расхотт.

ВКП(б)-нь ЦК-сь и ССР-нь Союзонь СНК-сь постановляет:

1) Колхознень ширде государствати сьоронь, рисонь, шинжармань и модамарень обязательной поставкани лувомаса уликс порядкати ня культуратнень видема планцон эзда и овощень, вай видьмонь культурань, тише видьмонь, а стане жа тишень контрактациянь системати отменить.

2) Ладямс, што, ушedomок 1940 кизонь урожайть эзда, колхознень кядьста государствати обязательной поставкат пантфтовихть сьороса, рисса, модамарьса, овощса (капстась, столовай якстерь-ряпссь, пурьхкясь, шурьхкясь, куярхне и помидоратне), вай видьмонь культурань (шинжармась, иляназсь-кудряшсь, клещевинась, соясь, горчицась, ряпссь, кунжутсь) и тише видьмоса (люцервась, клеверсь, тимофеевкясь, житняксь, экспарцетсь и викась)—сокама модань эрь гектарста, конац кемокстаф колхознень мельге.

Сокама модати размерс, конань коряс лувондовихть вьре азф культуратнень обязательной поставкатне, сувафневихть перетне, а стане жа од модатне, конат государственной плантти коряс эрявихть освоить целинать сокамат, шийнь косьфтамат и кустарниконь ароптомат вельде освоениянь омбоце кизоня. Сокама модатнень, конань коряс лувондовихть вьре азф культуратнень коряс поставкатне, аф лувондовихть стама площадтне, конат заняфт хлопкань, сахарнай якстериясонь, иляназонь, каньфонь, цыкориянь, табаконь, махоркань, эфиромасличнай, новолубяной и лекарственной культурань, колызань, сафлорань, кориандронь, анисонь, маконь, рыжиконь, арахисонь, ляманциянь, периллань, каучуконосонь, тутовай, фруктовай, ягондай, винограднай, насаждения и субтропический культурань видефалу, конатнень продукцияс максими государствати тини уликс порадкати коряс.

3) Государствати зерновой культурань и рисонь обязательной поставкани норматнень ладямс сянь лангс ванозь, што эряви пачфтемс СССР-ть эзда зернопоставкатнень общай размерсон 925 миллион пудти модемс.

Шинжармань, масляничнай культурань, модамарень и тише видьмонь поставкатнень нормаснон латцемс ня культуратнень пос-

тавкани и контрактациянь планцон лангс ванозь, овощнень эса контрактациянь плантти лангс ванозь и децентрализованнай закупкатнень планцон лангс ванозь, конат кемокстаф 1939 кизонди области, (крайи, республикати) и районти.

Максомс крайхненьди, областненьди и республиканьди права целайста крайть, областть республикати эзда максомань общай цифрать пределса кирьфнемс или касфнемс кой-коа райоттненьди и колхозненьди нормати, кона лувондови овощень максомань плантти лангс ванозь, а кой-кона райоттнень и колхознень йофси освобождать овощень поставкатнень эзда и тарксемс овощень поставкатненьди ся райоттнень и колхознень, конат истъ максесе овощт контрактациянь и децентрализованнай закупкани коряс 1939 кизоня.

Хабаровский и Приморский крайхнень эзда, Читинский и Ленинградский областнень эзда, Азербайджанский, Узбекский, Туркменский и Таджикский ССР-тнень эзда ладямс модамарень и овощень поставкани несколькода сяда оцю нормат, сяс мес уликс норматне ульсть йомлат и ащезь обеспечендакшне овощненьди касф потребностнень и ащезь обеспечендакшне машиникиге модамарень межобластной перевозкатнень машфтомаснон.

Можнат финц овощнай культуратне полафнемс лияса эквиволентть коряс, конань кемокснесы СССР-нь Совнаркомсь.

4) Сувафтомс 1940 кизоста ушedomок государствати тишень обязательной поставкати, лувондомок поставкатнень сокама площадть лангста (2-це пунктть коряс), а тяфта жа лугатнень лангста, ладямок тяка йоткть поставкани разнай нормат сокафть и лугатнень, суходольнайхнень и заливнохнень лангста.

Машиникинъ и воднай китнень эзда ичкозе эряй колхозненьди разрешать полафнемс тишеть сьороса, сивольса, лофцонь продуктаса и поваса ладяф эквиволентть коряс.

5) Отменить колхознень ширде государствати лофцонь обязательной поставкати лувомаса действующай порядкати траксонь поголовьять коряс и брыззань заготовкани уликс порядкати и, ушedomок 1941 кизоста сьавомок, сувафтомс колхознень ширде государствати брыззань обязательной поставкати и ладямс колхознень ширде государствати лофцонь и брыззань обязательной поставкани лувомаса эрь гектар модань площадть лангс ванозь (сокама модась, сяка лувксса саттне и перетне, лугатне и пастбищатне), кона кемокстаф колхознень мельге.

1941 кизоста сьавомок разрешить колхозненьди, конатнень траксонь поголовьясна сяда оцю тейст ладяф минимумть коряс, лофцонь максомаса государствати инголе эсь обязательстваснон пнякodemонза меле, максемс лофца кол- (Полатксоц 2-це страницаса).

ВКП(б)-нь ЦК-ть и СССР-нь СНК-ть ПОСТАНОВЛЕНИЯ

хозникнень инкса государствати лофцонь максомать коряс, освободить тья мархта колхозникнень лофцонь максомаса обязательстватнень пашкодемда частичнай или марнек.

6) Отменить уликс порядкат кедень сырьань и алонь заготов-каса и ладямс государствав кедень сырьань обязательнай постав-кат колхознень, колхознай дворх-нень и единоличнай хозяйстват-нень ширде, 1940 кизоста ушедо-мок, а алонь поставкатнень—1941 кизоста ушедонок ся норматнень коряс, конат лувондовихть кол-хознень модань площадьса эрь тектарть эзда (сокама модась, тя-конь йоткса саттне и перетне лугатне и пастбищатне).

Разрешить колхознень, алонь максомаса государствати эсь обя-зательстваснон пашкодемдонза ме-ле максемс алхт колхозникнень инкса государствати алонь максо-мать коряс, освободить тья марх-та колхозникнень алонь максома-са обязательстватнень пашкодем-да частична или марнек.

7) Йофси сембе колхозненьди ладямс обязательнай минимум це-бярь качества алашань раштаф-томати и касфтомати, конат кон-дастельхть армияти, модань пло-щадть лангс ваношь (сокама модать, сяконь йоткса саттне и перетне, лугатне и пастбищатне), ковац кемокстаф колхознень мельге. Ладямс 1941 кизоста сявомок ала-шань обязательнай поставкат обо-ронать нуждаснон алашань пого-ловьянь ладяф минимумть лангс ваношь норматнень коряс.

8) Сиволень закупкаса планиро-ваниянь уликс порядкат отменить и ладямс, што сиволень закупань государственнай планц целайнек республикати, областти, крайти, районти и колхозти лувондови колхознень модань площадьснон лувксонц лангс ваношь, кизонди норматнень коряс, конатнень ке-мокснесазь СССР-нь СНК-сь и ВКП(б)-нь ЦК-сь пропорциональ-на государствати сиволень обя-зательнай поставкатнень размер-снонды. Семботь, мезе ули рамаф закупань государственнай планда вельф, кадондомс республикат-нень, крайнень и областтнень распоряженияс местнай снабжени-янди, валхтомок заготовкатнень эзда внеобластной сембе децзаго-товительхнень.

9. Кожевенный сырьань государ-

ственной закупать йотафнемс ко-жевенный товаронь встречной ми-шендемаь мархта и разрешить колхозненьди, конат пашкодезь ко-жевенный-сырьань и сиволень обя-зательнай поставкаснот и конат обеспечиндазь животноводствать касфтомаса государственнай плант максемс кожевеннай сырьаснон тиэмс государственнай и коопера-тивной предприятияненьди исполь-зовандамс синь эсь усмотренияснон коряс.

10) Овощень и модамарень го-сударственной закупкатнень йо-тафнемс основной заготовитель-хнень вельде, конат йотафнесазь обязательнай поставкань коряс заготовкатнень валхтомок ово-щень, модамарень и фруктань за-готовкань рынкаста внеобластной децентрализованнай заготовитель-хнень, кадомок местнай заготови-тельхнень.

Овощень централизованнай за-готовкатнень вишкотемаснон инкса максомс внеобластной дец-заготовительнень аппаратть и тех-нический базат Наркомторгти.

11) Об'единить Наркомлепро-монь „Союззаготкожть“, Нарком-текстильнень „Союззаготшерсть“ и Наркомвнешторгонь „Главпушни-нать“ заготовительнай аппарат-снон (звероводческий и караку-леводческий совхоза башка) Наркомзагть составс кожевеннай сырьань, понань, пушнинань и ме-хонь заготовкань фкя государст-веннай заготовительнай организа-цияс.

ВКП(б)-нь ЦК-сь и ССР-нь Сою-зонь СНК-сь лувондсазь эрявик-сонди сяда тов кирьфтамс загото-вительхнень, сембода пях децен-трализованнай заготовительхнень сельскохозяйственной продуктань сембе виттнень эзга.

12) Отменить 1940 кизонь июльть 1-це шистонза сявомок сембе го-сударственной, кооперативнай и колхознай мельницатнень эса, крупорушкатнень и маслобойни-нень эса зерновой, бобовой, кру-пной, рисонь и масляничнай куль-туратнень переработкаснон инкса натураса гарницевай сборонь сяво-немать и ладямс азф культурат-нень переработкаснон инкса ярмак-са пандома.

ВКП(б)-нь Центральной Коми-тетть секретарец И. СТАЛИН.

ССР-нь Союзонь Народнай Комиссаронь Советть председа-телец В. МОЛОТОВ.



СССР-ть Верховнай Советонц Котоце Сеесияц.
Союзонь Советть и Национальностень Советть марстонь заседаниясна 1940-це кизонь мартть 31-це шистонза.

СНИМКАСА: Депутатне приветствовандасазь Карело-Финский Советский Социалистический Республик образованиянц колга Верховнай Советть решени-янц.

Фотось Д. Черновть (ТАСС-ть фото-клишец).

СССР-нь Верховнай Советть I-це Созывонц Котоце Сессияц

ЗАКОТНЕ, КОНАТНЕНЬ ПРИМАЗЕНЬ СССР-нь ВЕРХОВНАИ СОВЕТСЬ

Карельский Автономнай Советский Социалистический
Республик Карело-Финский Союзнай Советский
Социалистический Республикакс преобразованиянц колга
ЗАКОНЦЬ

Карельский Автономнай Совет-ский Социалистический Республи-кань трудящайхнень пожелания-нон коряс, руководиндамок нацио-нальностень свободнай развитиянь принципнень мархта, СССР-нь Верховнай Советсь лихни поста-новление:

1) 1940-це кизонь мартть 12-це шистонза СССР-ть и Финляндиять йоткса кемокстаф мирнай дого-ворть коряс Финляндиять ширде СССР-ти отошедшай территориять, Ленинградть маласа ащи аф оцю полосада башка, максомс Карель-ский Автономнай Советский Со-циалистический Республик состав, тяка лувксса максомс Выборг, Антреа, Кексгольм, Сортавало, Суоярви, Куолаярви ошнень.

2) Карельский Автономнай Со-ветский Социалистический Респу-блик преобразовандамс Карело-Финский Союзнай Советский Со-циалистический Республикакс.

3) Максомс Карело-Финский Союзнай Советский Социалисти-ческий Республикать распоряже-нияс промышленнай предприятия-нень, конат ашихть Карелиять составс включенай территорияса, общесоюзнай значения мархта аф лама предприятияда башка.

4) Эняльдемс Российский Совет-ский Федеративнай Социалисти-ческий Республикань Верховнай Советти и Карело-Финский Советский Социалистический Рес-публикань Верховнай Советти, што-ба максольхть РСФСР-ть и Карело-Финский ССР-ть йоткса точнай граничать кемокстаманц колга проект СССР-нь Верховнай Со-ветть рассмотренияс.

5) СССР-ть Конституциянц (ос-новной законтть) 34-це и 35-це статьянон коряс йотафтомс де-

путатонь кочкамат СССР-нь Вер-ховнай Советти Карело-Финский Социалистический Республикать эзда.

6) Мярьгомс СССР-нь Верховнай Советть Президиумонцы назна-чандамс кочкамань ши.

7) Тя законтть соответствиянц коряс тиэмс дополнения СССР-ть Конституциянц 13-це статьянцы и азомс сонь тяфта:

13-це статьясь. Советский Со-циалистический Республикань Союзсь—тя союзнай государства, конац образовандаф равноправнай Советский Социалистический Рес-публикатнень добровольнай об'еди-ненияснон коряс:

Российский Советский Федера-тивной Социалистический Респу-бликать,

Украинский Советский Соци-алистический Республикать,

Белорусский Советский Соци-алистический Республикать,

Грузинский Советский Соци-алистический Республикать,

Туркменский Советский Соци-алистический Республикать,

Узбекский Советский Социали-стический Республикать,

Таджикский Советский Соци-алистический Республикать,


Казахский Советский Социали-стический Республикать,

Киргизский Советский Соци-алистический Республикать,

Карело-Финский Советский Со-циалистический Республикать.

СССР-нь Верховнай Советть Президиумонц Председателец
М. КАЛИНИН
СССР-нь Верховнай Советть Президиумонц Секретарец
А. ГОРКИН.

Моску, Кремль.
1940 кизонь мартть 31-це шистонза.



Советский Союзть ошонзон эзга.

СНИМКАСА: Киевса Ленинть лемса ульцяса—кяржи ширеса СССР-нь Нар-комторгть универмагон, конац тиф Мецраин архитекторть проектонц коряс.

Фотось В. Ивановть (ТАСС-ть фото-клишец).

Ширеса од ломаттнень политический воспитанияснон эзда

Аф весть ульсь азф хлебокомбинатонь комсомольский организациять комсомолецнень идейно-политический уровеньон кеподемаса аф сатомшка работанц лангс. Но сави нинге весть лятфтамс сян колга, што комсомольский комитетть ингольден секретарец Иконникова ялгась тьян шири пцтай кодамовок мяль ашезь шарфне. Тьян сюнеда организацияса комсомолонь 29 членть эзда аныцек 5 самостоятельна тонафнемс ВКП(б)-ть историйнц. Сят комсомолецненьди, конат не могут самостоятельна тонафнемс ВКП(б)-ть историйнц, организовада политграмотань кружок, коза руководителкс кемокстаф Маслинникий ялгась, но сон нинге фкявок занятия ашезь йотаф-та.

29 комсомолецть эзда аныцек 10 кандыхть комсомольский порученият. Особенна калдяв ся, што организациясь аф союзнай од ломаттнень аф таргсесыне сят мероприятиятнень йотафнема, конатнень йотафнесыне сон. Да вообще сян йоткост сатомшка воспитательнай работа аф йотафневи. Тьян колга корхтайхть сят фактне, што 1940 кизоня комсомолу примаф аныцек 2 од ломатть, а сембоц од ломаньда тя комбинатса лувондови аф 100 кржа.

Комсомольский комитетть тьянийн секретарец Егоров ялгась оцю энергияса кярмодькшни тевти. Сон сувафнесыне нятаф союзнай од ломаттнень добровольнай организациятненьди и кружокненьди, кося вятихть йоткост эрявикс воспитательнай работа. Тяф-тама работать вельде 8 аф союзнай од ломатть макссть ни заявленийт комсомолу примамать колга. Но тя нинге аныцек ушеткс. В основном первичнай комсомольский организациясь нинге ширеса од ломанень массать политический воспитаниянц эзда.

М. С.

Саранск ош.

СНИМКАСА: Французский писательсь
Эмиль Золя.

(Шачь 1840 кизонь апрельть 2-це шистонза, кулось 1902 кизонь сентябрь 29-це шистонза).

Рисункась К. Теодоровичь
(ТАСС-ть фото-клишец).



„Память Ильича“ колхозса (Московский область) Мытищинский района пуроптф комсомольский самодеятельнай духовой оркестр.

СНИМКАСА: Оркесторть выступления.

Фотось В. Ивановть и М. Рунэть.

ТАСС-ть фото-клишец.

Олимпиадату

Порапа велень аф полной средней школань ученикнень йоткста кунаракиге пуроптф физкультурнай, драматический, хоровой и лия кружокт, конатнень эса работась вятви пяк аккуратнайста.

Школьный самодеятельность колхознай клубса сидеста йотафни художественно-самодеятельнай вечерхт. Вечерхнень эса примо-

сихть участия пцтай сембе школьникне.

Тяни школьникне пяк оцю мяльса аноклайхть идень творчеством Всесоюзной олимпиадату и тундань видеа кампаниять пингста колхозникнень культобслуживанияснонды.

В. Челматкин.

Ковылкинань р-н.

ВОСПИТАТЕЛЬНАЙ РАБОТАСЬ ШКОЛЬНИКНЕНЬ ЙОТКСА

Саранск ошень 5-це № аф полной средней школань дирекциясь и марнек педколлективсь оцю работа вятсть ученикнень мархта тундань каникулатнень пингста. Тьяс аноклафт лама значкистт, кода ВС-нь, ПВХО-нь, ГСО-нь и ст. тов.

Школоса марнек сембе ученикнень улихть тифтень и кафтонь обороннай значоксна. Лиякс азомс школоса тяддень тонафнема кизоть аноклась 5-це и 7-це классонь ученикнень йоткста 178 значкист. ПВХО-нь значокти норматнень максозь 112 ученик, БГСО-нь значокти—66 ученик.

7-це „Б“ классь лувондови инь передовой классокс обороннай соревнованиятнень эса. Тя класса 21 ученик максозь норматнень ПВХО-нь значокти, 21 ученик БГСО-нь значокти.

Тяда башка лама ученик, конат оцю общественной работавятихть комсомольский и пионерский организациятнень порученияснон коряс. Отличникне кемокстафт отрядонь и звенань вожатайкс, кося сян честь мархта пяхкотькшнесазь тейст максф поручениятнень.

Школоса аккуратнайста нолявихть общешкольной, класснай, а тьяфта жа отряднай и звенань пионерский газетатневок. 3-це четвертьт аделамс школоса нолдафт 9 номерхт общешкольной стенгазетат, 4 номерхт нолдасть пионеротрядтне и звенатне. Стенгазетатне лездсть школоса успеваемость касфтоманцты и дисциплинасть кемокстаманцты.

Педколлективсь оцю лезкс максси комсомольский организациати и марнек сембе комсомолецненьди ВЛКСМ-нь ЦК-ть X-це пленумонц решениянзон тонафнемаса.

Ф. Бикеев.

Саранск ош.

Обязанностьснон пяхкотькшнесазь

Насакина велень средняя школань библиотекарь Юленкова ялгась тейнза порученнай тевть пяхкотькшнесы честь мархта. Сонь умелай и энергичнай работанц вельде художественнай литературась направленной итнень знанияснон кемокстаманцты и сяда тов касомаснонды.

Тяка жа аф полной средней школать 7-це классонза учкомонь председателкс работай комсомолецсь Эрзин ялгась, конац ученикнень доверияснон оправданиянц инкса тюрю оцю вийса.

7-це классонь ученикне эсь избранникснон кельгась и работаса максихть оцю лезкс сянкса, штоба сян классост успеваемость и дисциплинась уелельхть нинге сядонга цебарьхть.

А. Фомин.

Торбеевань район.

РАБОТАНЬ ИТОКТ

Январь ковста Мордовский Гос. селекционной станциянь комсомолецне съормадсть Мордовиянь сембе колхознай и совхознай комсомолецненьди и аф союзнай од ломаттненьди съорма, кося тердезь сян сатомс сян, штоба 1940 кизоня получамс аф 100 пудта кржа съора эрь гектарт лангста. Сян призывсна Мордовиянь колхознай и совхознай од ломаттнень сядиса мусь кели отклик.

Мартть 26-це шистонза Гос. селекционной станциянь первичнай комсомольский организациясь йотафтсь собрания, кося примасть участия станциянь пцтай сембе научнай работникне.


Собраниясь няевсь, што комсомольский организациясь в основном нят обязательстванзон пяхкотькшнесазь. Тяни станциясь пуроптф колма комсомольско-молодежной звенат, конат вишкотежь эсь йотковаст соревнованиять. Соревнованиясь фатяфт тьяфта жа звенань четтневок.

Почваса влагать кирдеманц инкса йотафтф ловонь кирдема 142 гектар площадь лангса. Киртьф ловть вастова серец пачкотькшн 1 метрань серес. Беленикина и Гушин ялгатнень звенасна съормадсть ни эстейст работань платт. Видьмосна сембе звенатнень сатомшка. Сембе сян сортировандафт, проверяф сян всхожестьсна. Ускфт нинге сьоксендакиге паксать лангс 52 тонна удобрения, аноклаф 450 тонна назем. Удобрениять ширде калдяв аныцек ся, што ашесть кочка сатомшка кулу. А сон пяк эряви. Кулуда кочкаф аныцек 9 тоннат. Озафнесть паксызост кой-мзяра шуфтонят, но нинге пяк кржа.

Обязательствасост ульсь азф, што сембе комсомолецне и аф союзнай од ломаттне кармайхть производстваста атак аердт тонафнема агротехникать. Тя обязательствать сян тьяфта жа пяхкотькшнесазь. Станциять видеса пуроптф агротехкружок, коза якыхть 15 лама од ломань.

Обязательствасост тьяфта жа корхтавсть, што сембе комсомолецне кармайхть упорна работам ась идейно-политический и культурнай уровеньон кеподемаснон лангса. Но эряви азомс, што обязательствасост тя пунктсь иляткшни атак пяхкотть. Организацияста аныцек кафта комсомолецт (Беликина и Гушин ялгатне) тонафнесазь ВКП(б)-ть историйнц и сятка нинге ашихть аныцек омбоце главать лангса.

М. Ежовский.



СНИМКАСА: Краснодарский зоотехникумонь отличникне-студентне: А. Ореховсь, И. Кониц, А. Микалиць ункстайхть трактсь (модель) тулвишнц эса.

Фотось А. Ивановть.

Тундань видемати анокт

Алякс велень „Революция“ колхозть руководителензон заботаснон мархта колхозсь пяк лац аноклась тяддень кизонь тундань видемати. Нинге куваркиге ремонтировандазе сембе уликс сельхозинвентаренц, конац кемокстаф актонь коряс колхозникнень мельге.

Тяда башка колхозсь 100 процентс аноклазень сембе сортовой видьмонзон, конат триеровандафт и марафт чистой утомс, 100 процентс аноклазень минеральной удобрениянзон и ускозень паксав участкатнень лангс.

3-це № бригадань бригадирсь Тюрмин Григорий ялгась и конюхве Челматкинц, Моисеевсь, М. Ивлиевсь оцю мяль шарфнихть тгловай вийть лангс. Тя бригадань алашатне ашихть цебарь упитанностьса, синь аноклавихть тундань видемати.

1940 кизоня оцю урожайнь сатомать инкса сембе бригадатнень эзга организовандафт ефремовский авенат. Звеньевойхне и звенань четтне сувасть социалистический соревнованияс, штоба 1940 кизоня получамс 100 пуд сьора эрь гектарста и сатомс 1940 кизоня Все-союзной сельскохозяйственной выставкав участиянди права.

И. Чепин.

Кадошкинский район.

Социалистический соревнованиясь лездсь


„Победа“ колхозонь колхозникне, сувамок Сталинский Колмоце Пятилеткаты лемс социалистический соревнованияс тундань видемати образцовайста анокламати инкса, сатсть аф кальдяв результатт. Колхозсь кунаракиге цебарь качества ремонтавандазе сембе сельхозинвентаренц, сортировандазень и триеровандазень сортовой видеманзон, конат ашихть зернохранилищаса.

Кузнецне Мясников и Кокорев Иванц кафтонь крда пашкоткшнесь эсь работань нормаснон.

Тяда башка колхозсь явозе сембе видема площаденц участкава, конатнень кемокстафт звенат. Сембе площадть лангс ускф навозть срафнесь, цебарьста аноклазь площадтнень сокамати.

Кудашкин.

Ельниковский район.



Советский Союзонь ошнень эзга.

СНИМКАСА: Белостокса Советский ульцясь.

(Фото-клишесь ТАСС-ть).



СНИМКАСА: Саранский МТС-ть трактористонза Костюков и Прохов Н. эсь тракторснон лангсот колхознай паксав тумдост инголе. Фотось Ивенинть.

Селькоронь совещанияста

Мартть 20-це шистонза Ковылкинский райононь райредакцияты зданияса ульсь йотафтф рабселькоронь и стенгазетань редакторонь районнай совещания, коса ульсь 30 лама ломань.

Совещанияса ульсь кулхцонфт кафта инь важнай кизефкст—Ковылкинский райононь колхознень тундань видемати анокламаснон колга и омбоце кизефксс—большевистский печатть задачанза.

Васень кизефкст колга корхтась Ковылкинский РайЗО-ть заведующайц Воробьев ялгась. Сон азондозе, што тундань видема кампаниять пингста селькоронь армиясь должен налхкомс огромнай роль. Районць тундань видемати аф 100 проц. анок. Кой-кона колхозонь руководителхне („Светлый путь“, „Од тев“ и ляитне) ашезь мобилизованда сембе вийть аф сатыкснень машфтомаснонды. Пяк кальдявста аши тевсь сельхозинвентарть ремонтировандаманц мархта и сортовой видьмотнень анокламаснон мархта.

Николаев ялгась эсь докладсонза корхтась стенгазетатнень боевой задачаснон колга тундань видемати анокламаса и сонь йотафтомасонза.

Инвентарсь аф анок

Лемдйя велень „Од ки“ колхозсь (председательсь Чевтайкин Б. С.) кальдявста аноклась тундань видемати. Мянть тячийнь шити самс колхозса сельскохозяйственной инвентарсь аф анок, плукне и сеялкатне атак усксепт паксаста и мянть тачимс ашихть шямонюста рдзаса.

Тяфта жа кальдявста аноклафт тундань видемати алашатневок. 3-це бригадаса алашатнень упитанностьсна ламода кирсь.

Евстифеев.

Сире-Шайговань район.

Докладть и содокладть коряс селькорхне активнайста выступали и няфтезь эсь работаснон тундаты анокламаса.

„Коммунар“ колхозть махорочнай бригаданц бригадироц азондозе, што синь кунаракиге сатомшка аноклазь сембе уликс инвентарть, петьфтезень теплицань сембе раманзон, конатнень эзда 214 штука, 100 процентс аноклазень мататнень.

К.Майдан велень „Путь к социализму“ колхозть бригадироц Колодин ялгась корхтась колхозть и эсь бригаданц тундань видемати анокламанц колга. Сонь бригадасонза организовандаф красный уголок, коса колхозникнень тиендевихть беседат и лувондыхть газетат.

Селькорхне примасть резолюция, коса сёрмадыхть: „Мобилизовандамс сембе вийть тундань видема образцовайста йотафтоманц инкса, освещать стенной и районнай газетатнень эзга лучшей ломаттнень опытнон и тяка пингть няфнемс сембе аф честнай и лодыр колхозникнень, штоба машфтомс уликс аф сатыкснень“.

А. Абакумова.

Ковылкинский район.

Пяшкоткшнесазь эсь обязательстваснон

Зайца велень советонь „16 партсезд“ колхозса пуроптф оцю урожайнь звена. Звенась сьавсь эсь лангзонза обязательства, штоба получамс 110 пуд сьора эрь гектарста.

Звенась эсь обязательстванц пяшкоткшнесы. Эсь участказонза усксь минеральной удобрений и навоз, йотафнесь ловонь кирдема.

В. Гуляйкин.

Рыбинский район.

Условиятне аф использовандакшневихть

Ковылкинский районца „Заветы Ильича“, „Память Ленина“, „Коммунар“ колхознень эса фермань жувататнень лувкссна кизоста-кизос касы. Синь мельгаст ладяф цебарь уход, сяс ашезь урада фкявок жувата.

Но улихть колхоз, коса аф шарфиеви кодамовок мяль жуванть водямать лангс. Тяфта аши тевсь Карл Марксть лемса колхозса. Тяса условиятне стамот жа,

кода и „Заветы Ильича“ колхозса. Велеть келихть заливной луганза, шийнза, но колхознай фермаса лувондовихть анычек 5 тракт и 50 уча.

Карл Марксть лемса колхозса улихть сембе условиятне яксяргонь и мацнень водямати, но нят условиятне аф использовандакшневихть.

В. Челматкин.

Ковылкинский район.

Ладямс массовой работать

Сире Сомай велень „Якстерь знамя“ колхозса пяк кальдявста аши тевсь агитационно-массовой работать мархта. Колхозть ули пяк цебарь изба-читальня, носон фалу эряй пякстафста. Изба-читальнясь эстейвза ашезь сьорматфта фкявок экземпляр газета, и журнал. Од ломаттнень оцю мяльсна йотафнемс эсь досугснон организованнайста, но синь йоткост кодамовок работа аф вятевы.

Комсомольский организациясь аф работай, комсомолецне ашихть ширеса колхозть эряфонц эзда. Улихть комсомолецт, конат аф максихть кодамовок лезкс колхозонь руководителхненьди.

Комсомольский организациясь ашезь кемокста фкявок комсомолец колхознай стенгазетань редколлегияти. Колхозса аф полневихть стенгазетат, аф няфневихть тундань видемати анокламаса стахановецне и кальдяв работникне. Н. В.

Ковылкинский район.

Радиоприемниксь аф использовандакшневи

Клубсь велеса—тя массовой и политико-воспитательнай работань центр. Сонь эсонза йотафневи масшатнень коммунистический воспитаниясна. Но кой-кона клупнень эса тяфтама работа аф йотафневи. Паева велень (Кадошкинский район) клубсь фалу эряй пякстафста, аф ваномок сян лангс, што клубса улихть газетат и книгат.

Колхознай правлениясь, общий собраниять разрешениянц коряс, клубти рамась радиоприемник, носон клубть аф панчсманц сюнеда эряй стак. Возмутительна, но велень руководителхне мирондакшнихть тяфтама положениять мархта. Клубть особенна оцю ролец тундань видемати анокламати пингста, а сясэряви велень руководителхненьди шарфтомс сонь ширезонза оцю мяль и ладямс клубть эса работать стания, штоба удовлетворить населениять запросонзон. Н. П. Лобанов.

Кадошкинский район.

Ингольдень польский правительствать руководителензон военнай судти максомаснон колга германский агентствать сообщения

Германский информационный бюрось пачфни, што ингольдень польский парламентть членонза, конат кяшендихть тяни Анжерса (Франциянь фкя ошса) лихтсь решения, коса вешихть максомс военнай судти, кода изменниконь, ингольдень иностраннай тевонь министрть полковникть Беконь, ингольдень польский армиять главнокомандующайнц Рыдз-Смиглань и ингольдень премьерть—генеральт Словои—Складковский. Рыдз-Смиглань обвиняют сяс, мес сон бта „ашезь прима сатомшка мероприятия странать оборонанц инкса, што сон аф способнай вятемс войнать и, наконец сянкса, што сон ворьгодсь иля мастору, мзярда польский войскактне нинге мольфтсть тюрема“.

Французский цензурась аф новляй фкявок сообщения, конац касается тя решенияти, и шорси иностраннай корреспонденттненьди пачфнемс кулят тянь колга эсь газетазост. (ТАСС).

Ответ. редакторть заместителю И. ЧУДАЙКИН.